

COV KEV HLOOV NYOB HAUV COV LUS TSWJ TXOJ KEV TSI MUAB COV NYIAJ YUG MENYUAM SUAV/MUAB XA MUS RAU YIM NEEG HAUV CALIFORNIA QHOV KEV PABCUAM UAS MUAB CIBFIM UA HAUJLWM THIAB DEJNUM RAU COV YIM NEEG MUAJ MENYUAM YAUS (CHANGES TO THE CALIFORNIA WORK OPPORTUNITY AND RESPONSIBILITY TO KIDS (CALWORKS) CHILD SUPPORT DISREGARD/PASS-THROUGH RULES)

Peb tau muab cov lus tswj txoj kev tsi muab cov nyiaj yug menyuam suav/muab xa mus rau yim neeg nyob hauv qhov kev pabcuam CalWORKS hloov lawm.

Cov Lus Tswj Qub:

Yog tias koj yeej tau cov nyiaj CalWORKs rau koj tus menyuam thiab tseem tau nyiaj yug menyuam rau nws, feem ntau koj yeej tau ntau txog \$50 nyiaj yug menyuam uas lub Chaw Tuav Dejnum Saibxyuas Kev Muab Nyiaj Yug Menyuum (LCSA) nyob hauv koj lub nroog sau rau koj thiab qhov nyiaj ntawd yog ib qho uas peb yeej tsi muab coj los suav lossis xam thaum peb muab koj cov ntaub ntawv coj los xyuas saib koj puas tsim nyog tau cov nyiaj CalWORKs thiab saib yuav tau ntau npaum li cas. Rau cov yim neeg uas tsuas tau kev pab rau menyuam xwb, lub nroog yeej muab tag nrho cov nyiaj yug menyuam uas lawv sau tau xa mus rau tsev neeg thiab lub nroog yeej muab ntau txog li \$50 rho tawm ua ntej thaum lawv yuav muab cov nyiaj ntawd suav tias yog cov nyiaj yim neeg tau los.

Lub nroog yeej muab cov nyiaj uas CalWORKs cov yim neeg tau ncaj qha los ntawm Tus Niamtxiv Uas Tsis Yog Tus Tu Tus Menyuum (Non-custodial Parent) rho tawm ntau txog li \$50 ua ntej thaum lawv yuav muab cov nyiaj ntawd suav tias yog cov nyiaj yim neeg tau los ib yam nkaus.

Cov Lus Tswj Tshiab:

Pib Lub Ib Hlis, Tim 1, 2022 mus, lossis thaum twg peb muab cov kev hloov ntawm no nkag tag rau hauv lub nroog cov computer lawm, saib qhov twg yog qhov muaj tshwmsim tom qab, qhov nyiaj yug menyuam tshiab uas lub nroog yuav muab xa rau koj thiab tsi muab suav yuav nce mus txog \$100 rau ib yim neeg tau kev pab (AU) uas muaj ib tus menyuam thiab ntau txog \$200 rau ib yim neeg tau kev pab (AU) uas muaj ob tus menyuam lossis coob tshaj ntawd. Lwm cov lus tswj cov nyiaj yug menyuam uas tsi muab suav yuav tsi hloov.

Cov Kev Hloov Hauv Txoj Kev Xaiv Nyiaj Yug Menyuum Es Tsis Txhob Xaiv Cov Nyiaj Pab Uas Yog Nyiaj Ntsuab (SB 380):

Yog tias koj muaj ib tus menyuam uas tsi yog koj yug lossis tsi koom ib leeg niam ib leeg txiv uas yeej tsi muab suav rau hauv koj cov nyiaj CalWORKs uas yog nyiaj ntsuab vim nws tau nyiaj yug menyuam, tej zaum qhov kev xaiv ntawd yuav pauv. Qhov nyiaj uas peb tsi muab suav yuav muab qhov nyiaj yug menyuam uas koj tus menyuam yuav tsum tau rau txhua lub hlis ces peb thiaj li yuav muab qhov nyiaj ntawd rho tawm tau ntawm qhov nyiaj pab uas koj tsev neeg (AU) tau.

Koj yuav tau txais ib Tsub Ntawv Ceebtoom Txog Kev Muab Ib Qho Kev Txiaiv Txim Cov Los Siv tuaj hais rau koj paub yog tias koj tus menyuam uas tsi yog koj yug lossis tsi koom ib leeg niam ib leeg txiv yuav mus siv tsi tau Qhov Kev Xaiv Nyiaj Yug Menyuum Es Tsis Txhob Xaiv Cov Nyiaj Pab Uas Yog Nyiaj Ntsuab thiab qhov tias saib thaum twg peb mam li muab nws coj rov qab los ntxiv rau hauv nyiaj pab uas koj tsev neeg (AU) tau. Peb yuav muab qhov no pauv tsi tau ua ntej txog sijhawm pauv tshwj tias koj yeej thov kom peb muab pauv. Yog tias koj tus menyuam yeej yog ib tus uas tsim nyog muab suav rau hauv cov nyiaj pab uas koj tsev neeg (AU) tau thiab koj xav kom muab nws coj rov qab los ntxiv rau hauv sai, koj yuav tsum tau hais rau lub nroog paub.

Hu mus rau Tus Neeg Tuav Koj Cov Ntaub Ntawv Hauv Qhov Kev Pabcuam CalWORKs yog tias koj muaj lus nug hais txog cov kev hloov nyob hauv CalWORKs, cov lus tswj txoj kev tsi muab ib qho nyiaj yug menyuam suav lossis kev yuav muab ib tus menyuam coj rov qab los ntxiv rau hauv cov nyiaj pab uas koj tsev neeg (AU) tau. Hu mus rau Tus Neeg Tuav Koj Cov Ntaub Ntawv Hauv Lub Chaw Tuav Dejnum Saibxyuas Kev Muab Nyiaj Yug Menyuum yog tias koj muaj lus nug hais txog koj cov nyiaj yug menyuam. Koj yuav hu tau mus rau lub chaw tuav dejnum saibxyuas kev muab nyiaj yug menyuam nyob hauv koj lub nroog ntawm 1-866-901-3212.

Cov Kev Hloov Hauv Qhov Kev Pabcuam CalFresh:

Tej zaum cov kev hloov nyob hauv koj cov nyiaj pab uas yog nyiaj ntsuab yuav ua rau koj cov nyiaj CalFresh hloov thiab. **Koj yuav tau txais ib tsub ntawv ceebtoom txawv tsub no yog tias koj cov nyiaj CalFresh hloov.**